

Broj predmeta :  
Broj akta :  
Gračanica,

Na osnovu člana 13. Zakona o principima lokalne samouprave («Službene novine Federacije BiH», broj: 49/06 i 51/09), člana 16. Statuta Grada Gračanica («Službeni glasnik Grada Gračanica» broj: 01/23) Gradsko vijeće na sjednici održanoj.....godine,  
d o n o s i

#### O D L U K U

o obavljanju stručnog osposobljavanja nezaposlenih osoba visoke stručne spreme sa područja grada Gračanice u organu uprave i pravnim subjektima iz javnog i privatnog sektora

#### Član 1.

Ovom Odlukom definiše se broj osoba visoke stručne spreme po zanimanjima kojima se omogućava obavljanje stručnog osposobljavanja, te postupak odabira nezaposlenih osoba VSS (lica koja se stručno osposobljavaju) kao i način zaključivanja ugovora i finansiranja.

#### Član 2.

Odobrava se obavljanje stručnog osposobljavanja za 40 nezaposlenih osoba visoke stručne spreme sa područja grada Gračanica :

1.	Diplomirani pravnik	4 lica koja se stručno osposobljavaju
2.	Diplomirani ekonomista	3 lica koja se stručno osposobljavaju
3.	Diplomirani inženjer elektrotehnike	1 lice koje se stručno osposobljava
4.	Diplomirani inženjer mašinstva	1 lice koje se stručno osposobljava
5.	Diplomirani inženjer građevine	1 lice koje se stručno osposobljava
6.	Diplomirani inženjer arhitekture	2 lica koja se stručno osposobljavaju
7.	Diplomirani inženjer prehrambene tehnologije	2 lica koja se stručno osposobljavaju
8.	Diplomirani socijalni radnik	1 lice koje se stručno osposobljava
9.	Diplomirani pedagog - psiholog	3 lica koja se stručno osposobljavaju
10.	Profesor razredne nastave	3 lica koja se stručno osposobljavaju
11.	Profesor matematike	2 lica koje se stručno osposobljavaju
12.	Profesor engleskog jezika	2 lica koja se stručno osposobljavaju

13.	Profesor njemačkog jezika	2 lica koja se stručno osposobljavaju
14.	Profesor bosanskog jezika	2 lica koja se stručno osposobljavaju
15.	Profesor informatike	2 lica koja se stručno osposobljavaju
16.	Profesor biologije	2 lica koja se stručno osposobljavaju
17.	Profesor fizike	1 lice koje se stručno osposobljava
18.	Profesor tjelesnog odgoja	2 lica koja se stručno osposobljavaju
19.	Profesor historije	1 lice koja se stručno osposobljava
20.	Profesor geografije	1 lice koje se stručno osposobljava
21.	Profesor hemije	1 lice koje se stručno osposobljava
22.	Bachelor specijalne edukacije i rehabilitacije	1 lice koje se stručno osposobljava

Ukoliko se na poziv za prijem ne javi odgovarajući broj navedenih zanimanja, mogu se primiti i druga zanimanja ako se sa pravnim subjektima obezbijede uslovi za njihovo stručno osposobljavanje, u okviru predviđenih budžetskih sredstava za ove namjene.

Visoka stručna sprema podrazumijeva stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme odnosno visoko obrazovanje prvog, drugog i trećeg ciklusa Bolonjskog sistema studiranja.

#### Član 3.

Odobreni broj lica VSS obavljat će stručno osposobljavanje u osnovnim i srednjim školama i pravnim subjektima iz javnog i privatnog sektora koji su iskazali potrebe.

#### Član 4.

Odabir i raspored osoba sa VSS izvršit će se na osnovu javnog poziva.

Prednost imaju kandidati koji su duži period na evidenciji nezaposlenih osoba kod Biroa za zapošljavanje Gračanica nakon sticanja VSS, kao i kandidati čija prosječna ocjena tokom studiranja iznosi 9,0 i više bez obzira na dužinu čekanja na zaposlenje kod Biroa za zapošljavanje Gračanica.

#### Član 5.

Daje se saglasnost Gradonačelniku da nakon provedenih procedura zaključi ugovore o stručnom osposobljavanju sa pravnim subjektima, kojima će se bliže regulisati međusobna prava i obaveze u pogledu finansiranja i prihvatanja lica na stručno osposobljavanje.

#### Član 6.

Odluka stupa na snagu danom objavljivanja u «Službenom glasniku Grada Gračanica».

PREDSJEDAVAJUĆI  
GRADSKOG VIJEĆA  
Mirzet Topčagić

## O b r a z l o ž e n j e

### PRAVNI OSNOV

Pravni osnov za donošenje Odluke je Član 13. Zakona o principima lokalne samouprave («Službene novine Federacije BiH», broj: 49/06 i 51/09) i član 16. Statuta Grada Gračanica («Službeni glasnik Grada Gračanica» broj: 01/23), kojima je propisana nadležnost Gradskog vijeća.

### RAZLOG DONOŠENJA

Stručno osposobljavanje omogućit će licima koja se nalaze na evidenciji Službe za zapošljavanje TK - Biro za zapošljavanje Gračanica koja imaju završen VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova, sa prebivalištem na području grada Gračanica, a koja nisu obavljala stručno osposobljavanje u svom zanimanju, sticanje znanja, vještina i kompetencija neophodnih za samostalno obavljanje posla i radnih zadataka.

Prema odluci, obezbjeđeno je obavljanje stručnog osposobljavanja za 40 osoba visoke stručne spreme u osnovnim i srednjim školama i javnom sektoru koji su iskazali zainteresovanost da učestvuju u ovom projektu.